

September 2021



'N LEWE VAN DANKBAARHEID

In die laaste 18 maande is die wêreld omgekeer en het ek net weer die ongelooflike waarde van dankbaarheid besef, die belangrikheid daarvan om elke dag te laat tel! **William Arthur Ward het gesê, dankbaarheid kan gewone dae verander in dae vol danksegging, dit skep vreugde in roetine take en verander alledaagse geleenthede in seëninge.**

Ek gesels onlangs met van ons inwoners en personeel oor hul ervaringe van 2020/2021. Inwoners was dit eens dat die inperkings hul eensaam en alleen laat voel het. Hul was bekommerd oor die toekoms en die pad vorentoe. Een inwoner het dit so mooi gestel - sy grootste bekommernis was wat sou word van personele wat geen ander heenkomme het nie, as Covid alles by ons kom steel?

Ander beskryf weer die wipplank van verandering – wanneer daar eendag nog vryheid is en die volgende dag weer inperkings of kwarantyn, die wipplank emosies wanneer daar een dag gewerk word in die afdelings en die volgende dag werk weer na die tehuise gestuur moet word. Personeel beskryf weer die seerkry, bang wees, hartseer, eensaamheid en swaarkry wanneer geliefdes aan die dood afgestaan moes word of geliefdes hul bron van inkomste verloor het.

Maar dan soos 'n **groentakkie wat opstoot in 'n veld wat gebrand** het kom die positiewe insette. Die dankbaarheid dat die Here alles, selfs Covid,

ten goede kan laat meewerk. Inwoners vertel hoe hul opnuut dankbaar is vir hul werk, dankbaar is vir vriende wat saamstaan soos 'n groot familie, dankbaar om saam die alledaagse seëninge te kan vier. Een van die kosbaarste was toe 'n inwoner emosioneel raak en sê hy het net weer besef hoe dankbaar hy teenoor IftB is en dankbaar dat die Here ons rigtingwyser is wat ons lei en beskerm in hierdie storm. Personeel spreek weer hul dankbaarheid uit teenoor kollegas, vriende, vennote, donateurs en inwoners wat in die moeilike tye kon saamstaan, hul dankbaarheid om te kan deel wees van 'n organisasie met spangees en 'n **"ons kan"** uitkyk op die lewe!

By Innovation glo ons dat dit altyd beter is om te gee as om te ontvang. Ons het verskeie gemeenskapsinisiatiewe van stapel gestuur in hierdie jaar soos ons Mandela day generosity veldtog wat veel verder as net



vervolg op bladsy 2

die 18de Julie gestrek het. Ons inwoners het die geurigste sop gemaak wat uitgedeel is vir haweloses en behoeftige persone in die gemeenskap. Ons is so dankbaar vir donateurs wat dit vir Iftb moontlik maak om te kan deel wees van die opbou van ons gemeenskap.

Ek sluit graag af met die woorde van een van ons inwoners, wat met haar ongelooflike skryftalent enige donker dag kan ophelder. Dit maak my dankbaar vir elke inwoner en personeellid wat saam glo in die toekoms van ons organisasie en met ywer en deursettingsvermoë die storms met dankbaarheid aanpak.

Ek deel graag, met die inwoner se toestemming, haar onlangse inskrywing op Facebook:

**"Die Huis waar ek woon is 'n drie verdieping gebou – vol stories wat vertel word, herinneringe wat gedeel word van mense wat hier geleef het en selfs steeds leef. Die huis waar ek woon het 'n lieflike tuin waar die voëls vroegoggend al sing en laataand nog stilletjies in die bome roer. Die mense wat saam met my hier woon is my broers en susters, die mense wat hier werk, my moeders en al is die pad vir hulle soms moeilik is die stiltes gemaklik, die gesprekke vloeidend, dit laat my veilig voel. Die liefde wat ek vir hulle het, kan nie gemeet word nie, kan nie getel word nie, kan nie verduidelik word nie, kan nie getitel word nie.
Dankie Here vir die huis waar ek woon".**
- Carleigh du Plessis

Dankie vir die belangrike rol wat u speel in die skep van geleenthede en daardeur 'n lewe van betekenis bied vir persone met visuele gestremdhede.

Stephne Botha
Hoof Uitvoerende Beamppte
Innovation for the Blind

"Gratitude turns what we have into enough, and more. It turns denial into acceptance, chaos into order, confusion into clarity... it makes sense of our past, brings peace for today, and creates a vision for tomorrow." - Melody Beattie



PUIK PERSONEEL

Baie dankie aan ons versorgers en personeel wat die afgelope 18 maande onder moeilike omstandighede steeds verseker het dat ons inwoners die beste sorg en diens kry.

Ons is ook dankbaar dat soveel van ons personeellede en inwoners ingestem het om die Covid-19 inenting te ontvang en help om almal veilig en gesond te hou.



INENTING STATISTIEKE



Aantal persone wat die Covid-19 inenting ontvang het.

**Personnel 75
Inwoners 254**



Die **instandhoudingspan**, onder leiding van hul baie kundige toesighouer, Danie van Eeden, het reeds 'n wesenlike impak gemaak in die opknap en verbeterings in ons tehuise, ou nywerheidsgeboue sowel as woonstelle waar persone met visuele gestremdhede tuis gaan. Gedurende die jaar is daar ook begin om die terrein se teeroppervlakte te herstel.

Die teeroppervlak het met die jare se gebruik skade opgedoen wat 'n veiligheidsrisiko vir ons inwoners inhoud. Vir hierdie reuse taak is ons eie **tuinbouspan**, almal persone met visuele gestremdhede, saam ingespan.

DANKIE, LOTTOLAND

Innovation for the Blind was in die bevoorregte posisie om 'n besoek van die **Dankie Lottoland**-span en **Jak de Priester**, as aanbieder, te ontvang.

Me. Delene Weber, Nico en Esmare Weber inwoners van ons Huis Ebenhaezer, se ma, het Innovation for the Blind vir hierdie TV-reeks ingeskryf. 'n Besigheidsplan moes ingedien word vir goedkeuring waarin ons ons organisasie se behoeftes gelys het en ook motiveer hoekom ons fondse benodig.

Die besoek was vol hoogtepunte en ons is verras en geseen met verskeie skenkings:

- **Toerusting vir ons terapeutiese afdeling ter waarde van meer as R100 000 is ontvang. Dit sluit spesiale tafels, 'weighted blankets', musiektoerusting en vele meer in.**
- **'n Kontantdонаsie van R150 000 vir ons Huis Ebenhaezer sonkrag projek.**



Dit was 'n voorreg om ons wonderlike organisasie aan almal bekend te stel, maar meer as dit – wat 'n voorreg om die ongelooflike vaardighede van persone met visuele gestremdhede met die kykers te deel.

Dankie Lottoland



Ons dank en waardering aan mevrou **Marina Schoeman** en haar seun, **Wiehan Schoeman** van Bloemfontein, wat na afloop van ons Dankie Lottoland episode 'n 'hoist' aan ons geskenk het. Hierdie skenking maak 'n reuse verskil in Huis Ebenhaezer, tehuis vir persone met meervoudige gestremdhede.

Dankie ook aan **Ewan Swart** en die span by **Petals Express Cape Town** wat die vervoer van Bloemfontein na Worcester gratis verskaf het.

Ons het uit verskeie oorde finansiële ondersteuning vir ons **sonkrag projek** ontvang.

As u 'n bydrae wil lewer, kontak Ilse by donations@innovationfortheblind.org



HENLEY BESIGHEIDSKOOL LOODS NAVORSINGSTUDIE

Ons was bevoorreg om 'n virtuele besoek van Henley Business School, 'n besigheidskool in Engeland, te ontvang. 'n Groep **MBA-studente** (meestersgraad in besigheidsstudies) onder leiding van **Prof. Kevin Money**, het 'n navorsingstudie geloods wat handel oor die publieke beeld en reputasie van Innovation for the Blind.

Tydens die studie het die studente onderhoude gevoer met van ons inwoners, personeel, ouers/familie van inwoners, vennote, donateurs,

diensverskaffers, gemeenskapslede en ander belanghebbendes. Ons is oorweldig deur die aantal persone wat deelgeneem het aan hierdie studie en insette gelewer het – baie dankie aan elkeen wat hierdie projek ondersteun het.

Ons was verheug oor die positiewe terugvoer wat ons van die studente ontvang het. Daar is natuurlik areas wat aandag moet kry, maar opbouende kritiek is altyd goed om te verseker dat ons organisasie groei en ontwikkel.


Henley
Business School
UNIVERSITY OF READING

INNOVATION BOU VOORT OP 140 JAAR

Vir 'n nie-winsgewende organisasie soos Innovation for the Blind om steeds na 140 jaar volhoubaar te wees en dienste aan persone met visuele gestremdhede te bied, is 'n uitdaging, maar meer nog, 'n uitsonderlike voorreg.

Ons opregte dank aan elke individu, donateursvriend, onderneming, kerklike sektor, trust, stigting en die gemeenskap wat ons die afgelope 140 jaar ondersteun het.

Innovation for the Blind, Pionierskool vir Siggestremdes, Pionierdrukkery, Hein Wagner Academy en die Nasionale Instituut vir Dowes het die 140 jaar mylpaal met 'n 8-blad bylaag in ons plaaslike koerant, Worcester Standard, gevier.



Alhoewel die pandemie ons verjaarsdagvieringe ingeperk het, het ons elke inwoner en personeellid bedurf met 'n kolwyntjie - spesial gebak vir hierdie geleentheid.



Geskiedenis brokkies is op sosiale media gedeel.

Die agterkant van een van die **eerste koshuise** in Adderleystraat. Hierdie huis is aangekoop in **1882** as 'n koshuis vir die Doofstommen en Blinden Instituut. Later is dit gesloop om plek te maak vir die nuwe koshuise van die Skool vir Blinde (vandag Pionierskool).

PERSONEEL LEER MEKAAR (VIRTUEEL) KEN

Die fondswerwing- en bemarkingsafdeling het vanjaar 'n interne "Ken Mekaar" projek geloods. Die doel van hierdie projek was dat die verskillende afdelings mekaar beter kan leer ken - al is dit via e-pos. Elke personeellid moes 'n paar vrae beantwoord, ondermeer hoe lank jy al by Innovation for the Blind werk en wat jy die meeste van jou werk geniet. Die antwoorde en foto's van die personeel is per afdeling gegroepeer en via e-pos versprei onder die personeel.

Dit is wonderlik om te sien hoe entoesiasties hierdie projek aangepak is. Hier is 'n paar brokkies terugvoer:

Dit is 'n uitdaging om versorging te doen. Baie geduld en liefde is die sleutel om gelukkige versorgers en inwoners te hê. Ek geniet my werk baie, geniet dit om met die oumense te gesels. Ek leer baie uit hul verlede en watter mens hulle was en nou is.
(Huis Brevis, tehuis vir bejaardes)

Ek geniet elke oomblik om by IftB te wees, dit bring vir my baie vreugde om te weet ek was van hulp vir 'n inwoner.

(Huis Ebenhaezer, tehuis vir persone met visuele en meeroudige gestremdhede.)

Dit is vir my 'n absolute voorreg om deel te mag wees van IftB, om saam met omgee mense te werk en die liefde van elke persoon te ervaar wat aan hierdie organisasie verbind is.
(Fondswerwing & Bemarking)

Ek hou werklik van alles van my werk – dit is so 'n ongelooflike voorreg om saam met hierdie organisasie te groei en ontwikkel. Ek glo mens kan werklik leer van elke persoon wat jou pad kruis as jy net die tyd neem om hul te leer ken. (Hoofkantoor)

Om verhoudings te bou met ons inwoners – dit voel vir my soos een groot familie. (Huis Brevis, tehuis vir bejaardes)

Ek is dankbaar vir die werk en vir die menswaardigheid wat IftB vir my gee.
(Metaal Afdeling)

Om weer 'n glimlag op inwoners se gesigte te sien en hul dag te maak – hulle voel soos my eie familie.
(Huis Brevis, tehuis vir bejaardes)

Ek 'love' dit as ek sien 'n inwoner blom.
(Dienste & Tehuise)

MANDELA GENEROSITY VELDTOG

Ons het Mandela-dag sommer 'n hele maand lank gevier! Ons organisasie en inwoners ontvang daagliks soveel seëninge dat ons gedurende Julie-maand ook wou terugploeg in die gemeenskap.

Baie dankie aan elke persoon wat ons brei-willigheid projek en ons sopprojek ondersteun het - met julle bydraes kon ons 'n reuse verskil maak! Ons harte loop oor van dankbaarheid vir elke skenking, donasie en bydrae! Ons kon die volgende projekte aanpak:

- **Sop** is uitgedeel by NG Moedergemeente Worcester, ACVV tehuis en by Nuwe Begin Nagskuiling
- 17 **gebreide kombersies** is gegee aan Sandy's Eden - Animal Rescue Worcester NPO 205-269
- 30 **gebreide musse en serpe** is geskenk aan Awendrus Tehuis vir Ouer Persone
- 104 **gebreide musse** en 17 **kindertruie** is uitgedeel deur Women of Hope
- 10 **vroetelhandskoene** is gegee aan inwoners van Huis Brevis wat aan demensie ly
- 135 gebreide **potloodsakkies** is geskenk aan Breede Valley School of Skills
- 30 **bederfpakkies** aan slagoffers by Thuthuzela / FCS (veilige hawens vir persone wat slagoffers was van verkragting en gesinsgeweld)
- 15 **bederfbokse** aan die kraamafdeling van Worcester Hospitaal



Vroetelhandskoene



Sop word uitgedeel aan jonk en oud.



Gebreide mussies word uitgedeel deur Women of Hope.

ONS TERAPIEGROEP KRY VLERKE

Ons terapietroep by Huis Ebenhaezer, onder leiding van ons arbeidsterapeut en maatskaplike werker, is deurlopend besig met aktiwiteite en projekte vir ons inwoners.

Veral gedurende die grendeltyd het ons opnuut die terapeutiese waarde van kunsvlyt aktiwiteite besef.

Ons terapietroep benodig:

kundigheid

hulpmiddels (opvoedkundige speelgoed, 'arts & crafts')

herwinbare items (blikkies, sponsies, kartonboksies)

'n finansiële bydrae

 **Indien u kan help, kontak gerus vir Chaline by 023 347 2745 of stuur 'n e-pos aan socialwork@innovationfortheblind.org**



Bridgette spog met haar handwerk.

SKENKING VAN KAAPSE WYNLAND DISTRIKS-MUNISIPALITEIT



Baie dankie aan die Kaapse Wynland Distriksmunisipaliteit vir die baie welkomme skenking van volwasse inkontinensieware. Mev. Martin (tweede van links), hoof by Huis Ebenhaezer, het die skenking in ontvangs geneem tydens die amptelike oorhandiging.

BREEDEVALLEI ANGLI-KAANSE KERK KOM KUIER



Sharon Goosen, lae visie konsultant, lewer 'n lae visie hulpmiddel demonstrasie.

Die was so lekker om weer besoekers by ons te ontvang. 'n Groep dames van die **Breedevallei Anglikaanse Kerk** het by ons kom kuier en meer geleer oor ons organisasie, die produkte wat ons inwoners vervaardig, inligting oor visuele gestremdhede en lae visie hulpmiddels.



Teologie studente van Rusland

'N groep Russiese Teologiestudente het vroeër vanjaar besoek afgelê by **NGK Vallei Gemeente**. Ds Hans Steyn wou ook graag die studente blootstel aan ons plaaslike gemeenskap. Hulle het by Innovation for the Blind besoek afgelê, meer geleer rondom ons organisasie en aangebied om betrokke te raak by 'n projek.

Hierdie studente het 'n verfskenking gekry en die heining by ons Porterstraat huis (wat deel vorm van Huis de Villiers, tehuis vir mans met visuele gestremdhede) afgeskuur en geverf. Frikkie Botha, George Badenhorst en Peter Nicholas (inwoners van Innovation for the Blind) het musiek gemaak terwyl die studente gewerk het. Ons oopregte waardering aan hierdie groep wat met soveel ywer en vrolikheid hierdie projek aangepak het.



Stephné Botha (links) en Hansie Wessels ontvang die kitaarsnare.

ONS MUSIKANTE Sê DANKIE

Hansie Wessels is 'n bekende gesig in Worcester en die publiek sal hom herken as die man wat so passievol is oor musiek - veral sing en kitaarspeel. Ons het onlangs 'n versoek gerig op ons sosiale media platforms vir nuwe kitaarsnare vir ons musikante. **Baie dankie aan Leonora Kruger vir die borg van nuwe kitaarsnare.** Die geskenk is met groot dankbaarheid deur Stephné Botha, hoof uitvoerende beampte, ontvang en is Hansie ook baie in sy skik met die nuwe snare vir sy kitaar.



21ste GHOLFDAG TEN BATE VAN BLINDES

A1 Metal
Aan de Doorns Kelder
ABSA Worcester
Agility Management
AH Marais & Seuns
Amazing Pies
APL Cartons (Pty) Ltd
aQuellé
ATKV Goudini Spa
ATKV Hartenbos
BC Wines
BMP Drukkers
BMW Worcester
Boland Beer Distributions
Boland Dierekliniek
Boland IT
Boland Skryfbehoeftes
Bouplan
Breërivier Koeriers
Brummer Designs
Buco Worcester
Build It Worcester
Bushwakka
Butterfly World Animal
Sanctuary
BZ Rekenmeesters

Ceres Adventures
Crossbow Marketing
Dam Fine Café
Debonairs Pizza Worcester
Deetlefs Wine Group
Dekro Paints Worcester
Dial-a-Steak Catering
Dier & Plant Worcester
Discount Boards and Timber
Worcester
Eagles Cliff
Feedem
Frank Vos Motors
Funky Ouma
Goldwagen Worcester
Goldwing Engineering
Goudini Brandblusser
Graham Beck Wine Estate
Hair Affair
Hermitage Advies Groep
Ina Paarman
Infoquip
International Liquors
JoJo Tanks Worcester
Kaap Agri
Kingswood Golf Estate

Langeberg Winery
Lifestyle Technology Solutions
Martin Klopper Finansiële
Dienste
Media24
Môreson Grondverskuiwers
Morester Ceres
Muller Baard du Toit Prokureurs
New Cape Wines
NG Moederkerk Gemeente
Nuy Kelder
Nuy on the Hill Restaurant
OK Foods Drostdy
Oliver Bande
Opstal Wines
Optimum Finansiële Groep
Orlichem
Overhex Wines
PepsiCo
Petals Express
Pionierskool vir Siggestremdes
Quenêts Hunting & Fishing
RAM Courier Services
Realtors International
Rumax Worcester
SAB

Sailors Take Aways
San Diego Spur Steak Ranch
Worcester
Six Dogs Distillery
Slanghoek Cellar
Stettyn Cellar
Sun International Casino
Sunwiwa Renewable Energy
Swartkops Seesout Edms Bpk.
TechGear SA
TeeCee's
The Hussar Grill Worcester
Theuniskraal Estate
Totalsports Worcester
Tytec Group
Uniwinés Vineyards
Vallei Sweiswerke
Van Loveren Family Wines
Viljoen Juweliers
Viljoensdrift
Worcester Minerals
Worcester Standard
Worcester Toerisme
Worester Wellness
Zenith Insure

Baie geluk aan die wenspan: Worcester Toerisme



Foto: V.l.n.r.: Stephnè Botha (uitvoerende hoof: Innovation for the Blind), Schalk Hugo (uitvoerende hoof: Pionierdrukkery), Victor Theron, Brendon Groenewald en Pierre Rousseau.



Die 9de bof waar spelers geblinddoek afslaan.



'n Geskenkpakkie vir elke speler.

LAAI & WAAI KOFFIEWINKEL

Die tafels het gekreun onder heerlike etes, dekadente koeke, tuigemaakte terte en die lekkerste huisgebak by ons Laai & Waai Koffiewinkel in samewerking met **Feedem**. Die publiek kon kies en keur uit 'n propvol spyskaart en kon hul bestellings oplaai as wegneemete by ons 'aanlyn koffiewinkel'. Só kon ons binne die inperkingsreëls steeds fondse insamel om 'n meetbare impak in die lewens van persone met visuele gestremdhede te maak.

Baie dankie aan die gemeenskap van Worcester wat so getrou ons projekte ondersteun.



Theresa Martin (Huis Ebenhaezer), Alitha Prinsloo (Bestuurder: Tehuise) en Estelle Louw (Huis Brevis).



**Ons tehuisse bied ook maandeliks 'n Laai & Waai kafee aan met 'n vasgestelde spyskaart.
Hou gerus ons Facebook-blad dop vir meer inligting.**

KENNISGEWINGS



SMS 'blind'
na 40069
om 'n R20
donasie
te maak.

